

[Nürnberg], 23. August 1553¹

Von Joachim Camerarius d. Ä.

Druck: Camerarius, Epistolae S. 448f.

S. D. Litteras tuas accepi Lipsiae, cùm quidem ad iter Noricum accingerer, vt viserem ad meam familiam. Quod scribis de Titiano debito, ea in re si cum praesente aliquid actum fuerit, non deerit tibi studium meum. Quo nunc max[ime] in periculo Germania versetur, me scribere necesse non est. Is quidem qui illam et vellet et posset, fauente Deo, saluam praestare, extremam manum operi incepto non potuit imponere. De quo ea diximus, quae nobis doloris affectio et sensus malorum subiecit, ἀνυποκρίτως. neque me fugit aliorum alia esse iudicia, sed mea nunc etiam vota sunt, vt serò experiamur, quantum in vno illo praesidij et opis amissum sit. Misi tibi oratiunculam, quam à me pronunciatam, non putaui caussam esse quò minùs edere quoque vellem, praesertim cùm hoc a me postularetur. Quòd patroni tui voluntatem paeclarlam esse erga me significas, id scilicet debetur tuis honorificis de me mentionibus. Sed de hoc aliàs. Cyprianum nostrum saluere meis verbis iubeas velim, et Hencelium nostrum ἐξαιρέτως. Vale. 10. Cal[endas] VIIbris. 1552.

¹Aufgrund der Erwähnung des am 11.7.1553 verstorbenen Moritz von Sachsen und der Leichenrede von Camerarius auf ihn ist das angegebene Jahr 1552 sicher unrichtig.